

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ապրիլի 2014թ.

N-----Ա

ՈՐՈՇՈՒՄ

**ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**- րդ կետը՝

Երևան քաղաքի ավագանին որոշում է.

Տալ համաձայնություն հայ անվանի բանաստեղծ Համո Սահյանի հիշատակը հավերժացնող հուշատախտակը Աղայան **8** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ՀԱՄՈ ՄԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Հայ անվանի բանաստեղծ Համո Սահյանը ծնվել է Սյունիքի մարզի Միսիանի տարածաշրջանի Լոր գյուղում: **1927**թ. տեղափոխվել է Բաքու, որտեղ ստացել է միջնակարգ կրթությունը: **1935**թ. ընդունվել է **1939**թ. ավարտել է Բաքվի մանկավարժական ինստիտուտը:

1939-41թթ. աշխատել է Բաքվի «Խորհրդային գրող» ամսագրում՝ որպես գրական աշխատող:

1941-45թթ. Հայրենական մեծ պատերազմի ժամանակ ծառայել է ռազմածովային նավատորմում:

1945-51թթ. աշխատել է Բաքվի «Կոմունիստ» թերթի խմբագրությունում՝ որպես գրական աշխատող, **1951-54**թթ.՝ Երևանի «Ավանգարդ» թերթում՝ որպես բաժնի վարիչ, **1954-55**թթ.՝ «Ոգնի» ամսագրում՝ որպես բաժնի վարիչ: **1965-67**թթ. եղել է «Գրական թերթի» գլխավոր խմբագիրը:

Հայ անվանի բանաստեղծ Հ. Սահյանին հռչակ են բերել «Որոտանի եզերքին» (**1946**), «Բարձունքի վրա» (**1955**), «Նաիրյան դալար բարդի» (**1958**), «Սեզամ, բացվիր» (**1972**, ՀԽՍՀ պետական մրցանակ), «Իրիկնահաց» (**1977**), «Կանաչ-կարմիր աշուն» (**1980**), «Դադի ծաղիկ» (**1986**) ժողովածուները: Գրել է նաև հայրեններ և կատարել է թարգմանություններ:

Հ. Սահյանը մահացել է **1993** թ.-ին, Երևանում:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝ ըստ որի հուշարձանի իրականացման վերաբերյալ առաջարկությունը նախապես համաձայնեցվում է համապատասխան համայնքի ավագանու հետ, ուստի Երևան քաղաքի ավագանու քննարկմանն է ներկայացվում սույն որոշման նախագիծը:

ՏԵՂԵԿԱՆՔ

**«ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՍ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Համո Սահյանի հիշատակը հավերժացնող հուշատախտակի տեղադրման մասին»
որոշման նախագծի ընդունման կապակցությամբ Երևանի բյուջեում լրացումներ և/ կամ
փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՀԱՄՈ ՍԱՀՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/
ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Համո Սահյանի հիշատակը հավերժացնող հուշատախտակի տեղադրման մասին»
որոշման նախագծի ընդունման կապակցությամբ այլ իրավական ակտերում լրացումներ և/
կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ